



Federación Galega de Pesca e Casting
Praza Agustín Díaz 1
Complejo Deportivo de Elviña, Local 5
15008 a Coruña
www.fgpesca.org
federación@fgpesca.org



CAMPIONATO AUTONÓMICO SALMÓNIDOS MOSCA XUVENTUDE COUTO DA VEIGA, RÍO XARES

17 xullo de 2021

PROGRAMA

- 09:00 horas Recepción dos participantes no escenario. Control de temperatura corporal.
Sorteo de dorsais e entrega de documentación
10:00 “ Inicio da primeira manga.
13:00 “ Fin da primeira manga.
DESCANSO
15,30 “ Inicio da segunda manga
18,30 “ Fin da segunda manga
19:15 “ Entrega de plicas.

Feita e confirmada a clasificación, entrega de trofeos e peche da competición.

BASES

Os deportistas só poderá ter unha cana en acción de pesca. Non obstante, poderán dispoñer dunha ou máis canas de reposto.

Para a extracción da captura e a súa posterior presentación ao control, deberán facer uso dun redefol ou trueiro, cuxa lonxitude totalmente estendida non supere os 122 cm. A rede desta deberá ser de algodón ou outro material non abrasivo.

A adxudicación dos tramos farase por sorteo, feito en tempo e forma, para garantir a chegada a tempo de tódolos deportistas aos seus respectivos tramos, para iniciar a proba.



Federación Galega de Pesca e Casting
Praza Agustín Díaz 1
Complejo Deportivo de Elviña, Local 5
15008 a Coruña
www.fgpesca.org
federación@fgpesca.org



A reunión do Pescador co control farase xunto á táboa que sinale o inicio do tramo, augas abaixo.

Serán válidas tódalas capturas. Aquelas que medidas dende a punta do fociño ata a punta do rabo, midan 16 ou menos centímetros, contabilizarán todas coma capturas de 16 centímetros. As que superen os 16 ata os 17 centímetros, contabilizarán coma capturas de 17. As que superen os 17 ata os 18 contabilizarán coma capturas de 18 centímetros, e así sucesivamente.

Material permitido:

Canas. Libres, de uso comercial, cuxa lonxitude non exceda de 366 cm. (12 pes).

Carretes. De uso opcional sexa manual ou automático, de bobina xiratoria.

Liñas. Cola de rata de calquera composición ou forma das habituais do mercado, cunha lonxitude mínima de 22 metros e cun diámetro mínimo de 0,55 mm incluíndo o recubrimento.

Permítese:

- O uso de liñas flotantes e de afundimento
- Ao final da liña o uso dunha lazada para conectalo baixo de liña.
- Baixos de Liña. Sinxelos, de lonxitude como máximo de dúas veces a lonxitude da cana, anoados ou sen nós, e cónicos ou cilíndricos. Non se poderán engadir ao baixo de liña mecanismos de afundimento ou flotación. Os baixos de liña non poden ter elementos adicionais adheridos ao mesmo distintos aos codais nos que se aten os reclamos. Estes codais deberán ir fixados ao baixo de liña, anoados ao mesmo ou mediante micro argolas ríxidas sen sobranse ningún, e deberán ter una lonxitude mínima de 5 cm. dende o baixo de liña ata a argola ou paleta do reclamo empregado (mosca, streamer, etc...). Os codais dos reclamos fixaranse ao baixo de liña de modo que non poidan deslizarse ao longo do mesmo.
- Cebos (Moscas). Autorízanse o “streamer” e as moscas artificiais flotantes ou afundidas que imiten calquera das fases do ciclo vital do insecto imitado (larva, ninfa, sub-imago e imago), montadas sobre anzois simples.
- As moscas lastradas, sempre e cando o lastre quede oculto polo revestimento, que debe imitar algunha parte morfolóxica, ou formar parte da súa propia estrutura. O revestimento por pintura non se considera como tal. Autorízase unha única perla ou boliña visible cuxa dimensión máxima non exceda de 4 mm.
- Un máximo de tres moscas: Cando se empregue mais dunha, a distancia mínima entre moscas será de 50 centímetros, medidos cando estas colguen libremente.



Federación Galega de Pesca e Casting
Praza Agustín Díaz 1
Complejo Deportivo de Elviña, Local 5
15008 a Coruña
www.fgpesca.org
federación@fgpesca.org



Non se permite:

- As cabezas disparadoras ou lanzadoras.
- Engadir pesos e dispositivos ou materias flotantes ás liñas de pesca nin indicadores de picada.
- O uso de liñas de corpo chumbado.
- Os enganos que desprendan colorantes ou olores.
- O anzol con arponciño ou rebaba. Son válidos os anzois que teñan totalmente inutilizado o arponciño ou rebaba, de modo que non ofrezan resistencia algunha á retirada do anzol.

Ao longo da proba, calquera control pode pedir o exame dos aparellos de pesca dun pescador.

O deportista que non se presente, ou abandone a proba ou a acción de pesca, antes da hora oficial, perderá o seu dereito á clasificación e a continuar na proba.

Para participar é imperativo estar en posesión da licenza federativa e de pesca fluvial en vigor. Asemade, os clubs polos que participen os deportistas deberán de estar ao corrente das súas obrigas coa Federación Galega de Pesca e Casting.

Os catro primeiros clasificados integrarán a Selección Galega que participe no vindeiro campionato nacional da especialidade 2022.

Os deportistas participantes non poderán ter unha idade de menos de 12 anos nin de máis de 18.

Para calquera outra norma non descrita anteriormente aterémonos ó regulamento da FEPYC.

Alterar ou entorpecer o normal desenvolvemento da proba será motivo de expulsión inmediata da mesma. Elevarase acta da competición ao Comité de Disciplina que, de ser o caso, actuará de oficio.

A data linde das inscricións o 12 de xullo de 2021 ás 14,00 h. As inscricións cómpre facelas exclusivamente ao correo ourensedelegacion@fgpesca.org

Coidar o medio ambiente é unha responsabilidade común. Ao remate da segunda manga, tanto pescadores coma controis, deben recoller tódolos materiais de sinalización dos tramos. Os materiais recollidos deben ser entregados á organización ou depositados no colector do lixo máis próximo.



Federación Galega de Pesca e Casting
Praza Agustín Díaz 1
Complejo Deportivo de Elviña, Local 5
15008 a Coruña
www.fgpesca.org
federación@fgpesca.org



Por mor da actual crise sanitaria a organización non entregará, nin fará servir, ningunha clase de comida nin bebida aos participantes. Cada participante deberá traer as súas propias bebidas e comidas debidamente identificadas. Prégase consultar na páxina web da Federación o Protocolo Covid-19 (www.fgpesca.org)

Para esta competición o responsable do protocolo COVID-19 será o Presidente do Comité de Salmónidos da FGP Javier Méndez Alonso til 699419322

Asinado: Javier Méndez Alonso
Presidente do Comité de Salmónidos da FGPeC